



Broj: 01/1-50-1-1-89/09  
Sarajevo, 28.12. 2009. godine

## Z A P I S N I K

### 89. sjednice Ustavnopravne komisije

Sjednica je održana 28. 12. 2009., s početkom u 14 sati.

Sjednici su prisustvovali članovi Komisije: Šefik Džaferović, Adem Huskić, Velimir Jukić, Lazar Prodanović, Drago Kalabić, Ekrem Ajanović, Halid Genjac i Momčilo Novaković.

Osim članova Komisije, sjednici su prisustvovali predstavnici: Ministarstva pravde BiH Jusuf Halilagić, Mustafa Bisić i Aleksandar Tomić, Centralne izborne komisije BiH Suad Arnautović, Jasna Hadžiabdić i Radoje Šupeta, USAID-a Nedim Hogić, OSCE-a Vildana Bakšić, iz Zakonodavno-pravnog sektora PSBiH Alma Salkić-Mijić te iz Sektora za odnose s javnošću PSBiH Medina Delalić.

Sjednici su prisustvovali sekretar Komisije Igor Bajić i stručni savjetnik u Komisiji Nedžad Salman.

Nakon rasprave, Komisija je jednoglasno usvojila sljedeći

## D N E V N I R E D

1. Usvajanje Zapisnika 88. sjednice Ustavnopravne komisije, održane 22.12.2009.;
2. Prijedlog zakona o izmjenama i dopunama Zakona o politici direktnih stranih ulaganja, predlaž: Vijeće ministara BiH (**usklađenost sa Ustavom BiH i pravnim sistemom BiH, u skladu s članom 103. Poslovnika Doma**);
3. Prijedlog zakona o Ustavnom sudu BiH, predlaž: poslanik Momčilo Novaković sa Zaključkom Predstavničkog doma sa 66. sjednice, održane 16.12.2009. (**usklađenost sa Ustavom BiH, pravnim sistemom BiH i principi prijedloga zakona, u skladu s čl. 103. i članom 104. Poslovnika Doma**);
4. Prijedlog zakona o izmjenama i dopunama Krivičnog zakona BiH, predlaž: Vijeće ministara BiH (**postupak u nadležnoj komisiji u skladu s članom 110. Poslovnika Doma - razmatranje amandmana na Prijedlog zakona**);
5. Prijedlog zakona o izmjeni Zakona o državnoj službi u institucijama BiH, predlaž: Vijeće ministara BiH (**postupak u nadležnoj komisiji u skladu s članom 110. Poslovnika Doma**);
6. Ostala pitanja:
  - Prijedlog prečišćenog teksta Izbornog zakona BiH (**razmatranje i utvrđivanje prečišćenog teksta zakona u skladu s članom 41. stav (1) tačka i) Poslovnika Doma**);
  - Informacija o stanju u vezi s neblagovremenim upućivanjem pravosnažno osuđenih lica na izdržavanje kazni zbog nedovoljnog kapaciteta ustanova za izdržavanje kazni zatvora i mjera sigurnosti, od 12.6.2009., i Konačna informacija o stanju u vezi s neblagovremenim upućivanjem pravosnažno osuđenih lica na izdržavanje kazni zbog nedovoljnog kapaciteta ustanova za izdržavanje kazni zatvora i mjera sigurnosti, od 9.10.2009., podnosioca Ministarstva pravde BiH (**razmatranje informacija u skladu s članom 41. stav (2) Poslovnika Doma**).

**Ad.1. Usvajanje Zapisnika 88. sjednice Ustavnopravne komisije, održane 22.12.2009.**

S obzirom da nije bilo rasprave, Komisija je jednoglasno usvojila Zapisnik 88. sjednice.

**Ad.2. Prijedlog zakona o izmjenama i dopunama Zakona o politici direktnih stranih ulaganja, predlagač: Vijeće ministara BiH (usklađenost sa Ustavom BiH i pravnim sistemom BiH, u skladu s članom 103. Poslovnika Doma)**

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

**Ad.3. Prijedlog zakona o Ustavnom sudu BiH, predlagač: poslanik Momčilo Novaković sa Zaključkom Predstavničkog doma sa 66. sjednice, održane 16.12.2009. (usklađenost sa Ustavom BiH, pravnim sistemom BiH i principi prijedloga zakona, u skladu s čl. 103. i 104. Poslovnika Doma)**

Komisija nakon rasprave, s četiri glasa „za“, četiri glasa „protiv“ i bez „suzdržanih“ glasova, nije podržala principe Prijedloga zakona o Ustavnom sudu BiH.

Komisija, u skladu s članom 107. stav (1) Poslovnika Predstavničkog doma, negativno mišljenje o predloženom zakonu u cijelini obrazlaže stavom da Prijedlog zakona o Ustavnom sudu BiH sadrži rješenja koja nisu u skladu s odredbom člana 6. Ustava BiH.

**Ad.4. Prijedlog zakona o izmjenama i dopunama Krivičnog zakona BiH, predlagač: Vijeće ministara BiH (postupak u nadležnoj komisiji u skladu s članom 110. Poslovnika Doma – razmatranje amandmana na Prijedlog zakona)**

Predsjedavajući je otvorio raspravu u kojoj su učestvovali: predstavnik Ministarstva pravde BiH Jusuf Halilagić i članovi Komisije Ekrem Ajanović, Momčilo Novaković, Drago Kalabić, Adem Huskić, Šefik Džaferović i Halid Genjac.

Na Prijedlog zakona amandmane su podnijeli poslanik Momčilo Novaković i Klub poslanika SNSD-a.

Ustavnopravna komisija je, s tri glasa „za“, jednim glasom „protiv“ i četiri „suzdržana“ glasa, usvojila Amandman I. Poslanika Momčila Novakovića koji glasi:

**Amandman I.**

U članu 56. koji se odnosi na novododati član 145a. stav (2) briše se, a u stavu (3) brišu se riječi: „i (2)“.

Komisija, s tri glasa „za“, pet glasova „protiv“ i bez „suzdržanih“ glasova nije prihvatila amandman I. Kluba poslanika SNSD-a koji glasi:

**Amandman I.**

Član 41. briše se.

Komisija, s tri glasa „za“, pet glasova „protiv“ i bez „suzdržanih“ glasova, nije prihvatila amandman II. Kluba poslanika SNSD-a koji glasi:

**Amandman II.**

Član 56. briše se.

Komisija, s tri glasa „za“, pet glasova „protiv“ i bez „suzdržanih“ glasova, nije prihvatila amandman III. Kluba poslanika SNSD-a koji glasi:

**Amandman III.**

Član 111. briše se.

Komisija je nakon rasprave, s pet glasova „za“, bez glasova „protiv“ i tri „suzdržana“ glasa:

- prihvatila tekst Prijedloga zakona o izmjenama i dopunama Krivičnog zakona BiH sa usvojenim amandmanom i predlaže Predstavničkom domu njegovo usvajanje;
- odlučila da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

**Ad.5. Prijedlog zakona o izmjeni Zakona o državnoj službi u institucijama BiH, predlagač: Vijeće ministara BiH (postupak u nadležnoj komisiji u skladu s članom 110. Poslovnika Doma)**

Komisija je nakon rasprave, sa sedam glasova „za“, bez glasova „protiv“ i jednim „suzdržanim“ glasom:

- prihvatila tekst Prijedloga zakona o izmjeni Zakona o državnoj službi u institucijama BiH i predlaže Predstavničkom domu njegovo usvajanje;
- odlučila da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

**Ad.6. Ostala pitanja:**

- **Prijedlog prečišćenog teksta Izbornog zakona BiH (razmatranje i utvrđivanje prečišćenog teksta zakona u skladu s članom 41. stav (1) tačka i) Poslovnika Doma)**

Predsjedavajući je otvorio raspravu u kojoj su učestvovali: predstavnik CIK-a Suad Arnautović, sekretar Komisije Igor Bajić, te članovi Komisije Drago Kalabić, Šefik Džaferović i Adem Huskić.

Nakon rasprave predsjedavajući je predložio, a Komisija jednoglasno prihvatila prijedlog da se ova tačka dnevnog reda razmatra na nekoj od narednih sjednica Komisije, a da sekretarijat komisije zajedno s predstavnicima Centralne izborne komisije BiH još jednom pregleda i utvrdi konačan prečišćeni tekst Izbornog zakona BiH.

- **Informacija o stanju u vezi s neblagovremenim upućivanjem pravosnažno osuđenih lica na izdržavanje kazni zbog nedovoljnog kapaciteta ustanova za izdržavanje kazni zatvora i mjera sigurnosti, od 12.6.2009., i Konačna informacija o stanju u vezi s neblagovremenim upućivanjem pravosnažno osuđenih lica na izdržavanje kazni zbog nedovoljnog kapaciteta ustanova za izdržavanje kazni zatvora i mjera sigurnosti, od 9.10.2009., podnosioca Ministarstva pravde BiH (razmatranje informacija u skladu s članom 41. stav (2) Poslovnika Doma).**

Nakon rasprave, predsjedavajući je predložio, a Komisija jednoglasno prihvatila prijedlog da se ova tačka dnevnog reda razmatra na narednoj sjednici Komisije, s obzirom da svi članovi nisu dobili materijale koji se tiču ove tačke dnevnog reda.

S obzirom da nije bilo više pitanja, sjednica je završena u 16,30 sati.

**SEKRETAR KOMISIJE**  
**Igor Bajić**

**PREDSJEDAVAJUĆI KOMISIJE**  
**Šefik Džaferović**